

**TERTIA** figura secundam administrationis ordine subsequitur, ac humiliorem omenti membranam a superiori diuulsam laceratamque gerit, ac superior quidem super thoracis anteriora et uentericulum quoque extensa est. Dein uenterculus etiam uisursum ad pectus ex sua sede tractus uisitur, ut humilioris omenti membranae natura in conspectum peropportune ueniret: quam eousque intestinis adhuc obducta cernis, quousque omentum subinde sursum sinistrorsumque collectum dissecantibus occurrit. Praeterea in praesenti figura intestinorum situs inturbatus iacet, uti et lien quoque, cuius pars hic etiam oculis subijcitur.

**K.L.** M.N. et O eadem hic atque in secunda figura notantur. nam **K** indicat umbilici arteriam dextram, **L** uero sinistram. **M** meatum, quo faecis urina in secundum ipsius inuolucrum excernitur, quique hic, ut et arteria, abtruncatus conspicitur. Caeterum **N** uescicam notat: **O** autem peritonaei cum anteriori uescicae sede connexum. Atque in hac figura peritonaei angulos, qui secunda figura **A.B.C** et **D** insigniti erant, rescuimus.

**a,a** Superioris membranae omenti, quam et aliam superiorem nonnulli appellant, posterior sedes, qua inferiorem membranam integro adhuc omento spectat.


**b,b** Extuberans haec sedes uenterculus est, superiori membrana omenti tectus.

**c,c** Omenti humilior membrana, quae nonnullis humilior ala nuncupatur. Caeterum extuberans pars, cui duo superiora **c** et **c** inscribuntur, colum est intestinum, quod uenterculi exporrigitur fundo, ac inferiori membrana omenti, uice mesenterij utitur.

**d** Hic lien et si omento obducitur, protuberans sese ostendit, ad quod etiam pellucida omenti inuat substantia.

Inferior omenti membrana hic modo quod uenterculo subijcitur, quam pluribus notanda erat characteribus: uerum quo minus illam characterum copia obliterarem, eos in subsequenti figura ponendos duxi. praecipue quum leui opera lector eosdem characteres utrisque figuris inibi adhibitos fingere possit, ubi ambae idem exprimunt.

QVARTA QVINTI LIBRI  
FIGURA.



QVART.

**HAC** figura omentum suis quibus adnascitur, aut potius a quibus initium ducit, membris liberum, et nulla interim parte diuulsam delineatur, integraque ipsius constructio et praecipue uenarum, articularum et neruorum per ipsum series, et glandulosa corpora ipsi innata monstrantur. Quam concinne uero omentum sacculo, aut perae, aut minoribus piscatorum retibus assimilatur, hac quoque figura discitur.

**e,c** Omenti circulus, seu orificium, quo initium ducit.

**f,f** Omenti superioris membranae anterior facies.

**g,g** Inferioris omenti membranae anterior facies. at haec non integra ut superioris membranae anterior facies hic conspicitur, quum inferioris membranae sedes tantum in conspectu sit, quae uenterculo subijcitur, atque ad colon usque intestinum, quod id uenterculo exporrigitur, pertinet. Reliqua enim inferioris membranae pars superiori membrana occultitur.

**h,h** Tribus his characteribus ad sinistram latus inferioris membranae omenti positus, omenti constructio insignitur. Nam h omenti partem notat membranaceam, uenis arterijsque et adipe quoque carentem. uero uasa indicat, k autem adeps uasis attensus adnatus uel exprimitur. Atque ut hos characteres hac omenti parte repositui, ita etiam quauis ipsius sede eas potuisse collocari, nemo ambigit.

**l** Vena portae caudex quae ex iecore prodiens inferiori membrana omenti continetur ac suffulcitur.

**m** Arteria iecoris cauum et bilis uesculam petens, neruoque concommitata qui a dextri lateris sexti neruorum cerebri paris nerui ramo, dextri lateris costarum radicibus exporrecto depromitur, ac iecoris cauum bilisque uesculam adit.

**n** Principium uenae inferioris uenterculi orificij posteriorem sedem potissimum accedentis, et arteriam habentis coniugem.

**o,o** Arteria et uena et neruus secundum superioris omenti membranae principium, dextrae fundi uenterculi sedi exporrecti.

**p,p** Illorum uasorum quae dextrae fundi uenterculi sedi exporriguntur surculi, corpus uenterculi implicantes.

**q,q** Distorum iam uasorum quae fundi uenterculi dextrae sedi exporriguntur propaggines, in superiorem omenti membranam sparsae.

**r** Vena arteriaque duodeno intestino et ieiuni intestini principio exporrectae, neruulunque socium frequenter admittentes.

**s** Portae uenae in duos truncos bipartitio. quod uero uenas **r** et **o** indicatas hic elatius quam in nuda portae uenae figura tertij libri quinto capiti dedicata, delineauerimus, in hoc factum putato, quod earum uenarum ortus in hunc modum subinde uariet.

**t** Dexter seu grandior uenae portae truncus, in mesenterium adeoque intestina excurrrens.

**u** Vena in posteriorem uenterculi sedem citra arteriae consortium excurrrens.

**x** Vena cum arteria et neruo in dextram inferioris membranae omenti sedem sparsa, ac colon quoque intestinum hac parte accedens.

**y** Vena simul cum arteria in uenterculi posteriora excurrrens, et tandem coronae ritu superius uenterculi orificium amplectens, uerum huius uenae arteriaeque tanta duntaxat delineatur portio, quanta inferiori membrana omenti sustinetur.

**a** Hic nonnihil grandior mesenterij arteria se offert, etiam si minimo intervallo inferiori membranae omenti suffulciatur.

**b** Truncus est arteriae, quae inferiori omenti membranae intertextus, uenterculo, iecori, bilis uesculae, colo quod id uenterculo exporrigit, ac dein lienis ramos depromit, neruosque has partes adites comitatur.

**y** Vena simul cum arteria et neruo mediam potissimum sedem subiens inferioris membranae omenti, et ramos quoque offerens colo intestino quod ad uenterculi prorepat fundum.

**d** Vena coniugis arteriae exersa, quae sinistrae sedi inferioris omenti membranae pauculas soboles, ut et ipsa gracilis est, diffundit.

**e** Venarum, articularum et neruorum in lienem series.

**f** Vena pariter cum arteria neruoque uenterculi fundi sinistrae sedi exporrecta.

**g,g** Glandulosum corpus inferiori membranae omenti innatum, quod uulgo uocant *Brisauiolo*, *Dulcem morsum* seu *bolum*, *Buccam saporitam*, *Rodol*.

**h** Glandulosi corporis portio, quod duodeno intestino subnascitur.